

# KATEKISMO

ari

Pana KOVE aia.



---

*Printed at the Catholic Mission, Vunapope.*

238.2 KAT

MOORE COLLEGE  
LIBRARY

MOORE THEOLOGICAL COLLEGE LIBRARY



3 2042 10026438 5

# KATEKISMO

ari

Pana KOVE aia.



---

*Printed at the Catholic Mission, Vunapope.*

I m p r i m a t u r

Vunapope die 30. Octobris 1948

† Leo Scharmach  
Vic. Apost. Rabaul.

## U P U R A .

1. Sei i talu qita?  
Deo i talu qita taita ta rio.
2. Sei Deo?  
Deo tamara; i talu qa i rae sae, i talu qa  
i rio sio.
3. Deo i talu qita ta karo sauā?  
Deo i talu qita, ta logoni ele posaga doko  
sio tanceai ne; muhia i ta rae sae vuvuhieai,  
ta lalao qa ta la.
4. Tuaga sae vuvuhieai tuaga toni sei?  
Tuaga sea vuvuhieai tuaga toni Deo ta-  
mara; tuaga toqita, taita ta logoni ele po-  
saga doko.
5. Deo i ka ma ga ri qeleu ti logoni ele po-  
saga mao?  
Deo i taro ri pani eai, i karo madiqi pari.

6. Tuaga eai i aia tuaga toni sei?

Tuaga eai i aia tuaga tori qeleu ti mina anitu; tori qeleu ti karo lige sasi.

## LERA LOQOIGA.

7. Deo i varo pa qita taita ta karo sauva?

Deo i varo pa qita taita ta lotu pani.

8. Taita ta lotu ta karo sauva?

Taita ta lotu ta loqoi Deo ele posaga aua tau; ta logoni ele posaga doko.

9. I ka maro ta loqoi Deo ele posaga aua tau?

Ta loqoi Deo ele posaga aua tau ai pu gani Deo i posa aua tau, i bulobulo mao.

10. Sei i palogo qita gani Deo ele posaga?

Eklesia katoliki i palogo qita gani Deo ele posaga.



11. Ai mana gani Deo ele posaga mao, i rae sae vuvuheai?

Ai mana gani Deo ele posaga mao, i rae sae vuvuheai mao.

## DEO.

12. Deo i mo sora?

Deo i mororo sae vuvuheai, nene sio tanoelai ne; i mororo tuaga qa tuaga.

13. Taita ta kona Deo?

Ta kona Deo bauka, ai tini naqe taita mao; ai anuhu kekelegi.

14. Sei i talu Deo?

Ava eta i talu Deo qa i otu mao.

15. Deo i mate?

Deo i mate mao; i momororo qa i lalao qa i la.

16. Deo i vohu?

Deo i vohu tau; raga eta i vohu i ka naqe veai mao.

17. Deo i takodo?

Deo i takodo aua tau; ai mana gani lige  
- doko; ai mana gani lige sasi mao.

18. Deo i Luluai doko?

Deo i Luluai doko, i nohani ri pana tos-  
alaine; ai mana gani taita ta mo sae pani.

19. Deo i talu sauva raga qa i otu?

Deo i talu vuvuhi i talu tano i talu raga  
tosalaine.

20. Deo ai mata i vohu ga qita?

Deo ai mata i vohu ga qita, ai mata i  
vohu gani raga tosalaine.

### QELEU AQELO.

21. Sei Deo i talu ri ti mororo sae?

Qeleu aqelo Deo i talu ri ti mororo sae.

22. Aqelo sauva raga?

Aqelo i anunu mavalahani, i logoni Deo  
ele posaga doko.



23. Aqelo pape ti karo sauva?  
Aqelo pape matari i toku gani ti logoni  
Deo ele posaga mao, asiri sasi.
24. Deo i ka ma ga ri aqelo sasasi?  
Deo i taro ri qa ti rio pani eai, ti mina  
anitu.
25. Anitu sasasi ti ka ma ga qita?  
Anitu sasasi manari ga qita mao: ti vaqa  
ti karo qita taita ta karo pekato.
26. Aqelo doko ti ka ma ga qita?  
Aqelo doko matari i qali qita, matari i  
vohu ga pita.

### U P U R A aia PEKATO.

27. Deo i talu tano sei aia?  
Deo i talu tano taita tosalaine ara.
28. Sei i tamone muqa?  
Tamone muqa ai era Adamo, tamara.

29. Sei tamine muqa?  
Tamine muqa ai era Eva, tinara.
30. Adamo qa Eva asi hua ti logoni Deo ai lige?  
Asi hua ti logoni Deo ai lige mao; asi hua ti karo pekato.
31. Ti karo pekato qa moho Deo i ka ma ga ri?  
Deo i nana ri gani paradiso i riki atama sae ga qita.
32. Adamo aia pekato i ka ma ga qita?  
Adamo aia pekato i karo qita sasi; upura sasi.
33. Sei ere i karo pekato mao?  
Maria kekelegi, takodo Deo ai tina aia pekato mao.
34. Taita ta sasi tasomisomine gani upura aia pekato?  
Ta sasi tosomisomine mao, Deo i noha qita.

35. Sei ava ne Deo i sula qa i nama i noha qita?

Deo i sula ai natu Jesu Kristo qa i rio qa i nama qa i noha qita qa i luluai ga qita.

36. Deo pira?

Deo kehe tau ere, i salai mao.

37. Deo aia persona pira?

Deo aia persona tolu: Tama qa ai Natu qa ai Tautau mina takodo.

38. Tama i Deo?

Tama i Deo aua tau.

39. Ai natu i Deo?

Ai natu i Deo aua tau.

40. Tautau mina takodo i Deo?

Tautau mina takodo i Deo aua tau.

41. Persona tolu i Deo pira?

Persona tolu i Deo kehe tau ere.

## Deo ai Natu JESU KRISTO.

42. Deo ai Natu i karo sauva?  
Deo ai natu i rio qa i nama sio tanoeai: i  
tamone, ai tini naqe taita.
43. Tamine sei i popo Jesu?  
Maria tamine vilala i popo Jesu.
44. Jesu i Deo i tamone pape?  
Jesu i Deo-tamone.
45. Jesu i noha qita i karo sauva?  
Jesu i noha qita: i vurua, i mate pani avei  
tavala.
46. Jesu i mo sora?  
Jesu i rae qa i la sae vuvuhieai, i roai pani  
ai tama Deo ai saliai tau.
47. Jesu i mate i la so?  
Jesu i mate, ti taiani ai tini; ai tautau i rio  
pani imperno; vogi tolu i luai qa i rae pa  
ri pana ti mate.

48. Gera Jesu i luai qa i rio qa i nama?  
Jesu i luai qa i suluqu qa i rio qa i nama  
apa muhiai.
49. Jesu i luai qa i rio qa i nama i karo sauva?  
Jesu i luai qa i rio qa i nama i posa ga ri  
tuaga qa tuaga.
50. Taita tosalaine ta karo sauva apa muhiai?  
Taita salai ta lua qita qa ta rae pani ara  
rega qa ta otu.
51. Apa muhiai posaga qa i moho ta la so?  
Apa muhiai posaga qa i moho qeleu ti  
mina doko ti rae sae vuvuhieai; qeleu ti  
mina sasi ti rio pani eai ti vuhi qa ti la.
52. Taita ta mate muhiai tautaura i la so?  
Ta mate tautaura i la sae, Deo i veta pani  
gani ele lige. Ele lige doko, i loga vuvu-  
hieai; ele lige sasi i rio qa i la pani eai nae  
tovuaua; ele lige sasi kahaku teli i la pani  
eai kakau i siqihhi.



53. Ta lua ri pana ti mo pani eai tautauri aia siqihiga gani sauā?

Ta lua ri pana ti mo pani eai tautauri aia siqihiga: ta pa ri ararigi, ta pa ri misa, ta pa ri komunio.

## EKELESIA KATOLIKI.

54. Jesu i varitovo tuaga qa tuaga i karo sauā raga qa i otu?

Jesu i varitovo tuaga qa tuaga i karo Ekelesia katoliki qa i otu.

55. Ekelesia katoliki sauā raga?

Pana tosalaine ti loqoi Deo, ti paliliu ri gani eau lotu aia, ti logoni Papa ele posaga doko, qeleu pana tosalaine Ekelesia katoliki.

56. Papa i muqa ai era sei?

Papa i muqa ai era Petero takodo; Jesu i karo qa i luluai gani ekelesia katoliki.



57. Sapara ti lua Papa?  
Qeieu Episkopo ti lua Papa.
58. Sapara ti lua ri qeieu Episkopo?  
Qeieu pristere ti lua ri qeieu Episkopo.
59. Ekelesia i ka ma ga ri pana?  
Ekelesia katoliki i varitovo pa qita, i karo  
qita qa ta mina takodo.

## DEO ele POSAGA.

60. Ta karo sau a qa ta mina takodo?  
Ta loqoi Deo, ta logoni Deo ele posaga  
Ekelesia ele posaga doko qa ta mina ta-  
kodo.
61. Posaga ai pu sei?  
Posaga ai pu i vaqa: Lolomu i la pani Deo  
gani raga tosalaine; u dodo pana pape i  
ka naqe veau dodo qo.
62. Deo ele posaga pira?  
Deo ele posaga sagaulu, i vaqa:

1. Veau lotu pani Deo amu Luluai kekelegi.
2. Veau posa vagahi gani Deo amu Luluai mina.
3. Veau lotu pani sade, u pehemu gani umoga pani sade.
4. Lolomu i la pani tamamu tinamu, u logoni asi hua doko.
5. Veau pamate ava ere mina.
6. Veau karo lige sasi mina.
7. Veau panaho mina.
8. Veau bulobulo mina.
9. Veau manamu gani ava ere ai araoa mina.
10. Veau manamu gani ava ere ele qe-hevo mina.

## DEO ELE POSAGA MUQA:

**Veau lotu pani Deo amu Luluai kekelegi.**

63. Deo i varo maro pa qita gani ele posaga muqa?

**Posaga i muqa i varo pa qita: taita ta loqoi Deo ta mata gani, lolora i la pani ta ararigi pani.**

64. Qeleu tematana ti loqoi sei?

**Qeleu tematana ti loqoi ava ere pape ele posaga vuliqaliqa i pakaka ri.**

65. Qeleu tematana ti lotu pani sei?

**Qeleu tematana ti lotu pani malulu, ti lotu pani anitu.**

66. Lotu toni Deo pira?

**Lotu toni Deo kehe tau ere: lotu katoliki kekelegi ai pu Jesu.**

67. Ta lotu pa ri qeleu takodo pape?

**Ta lotu pari qeleu takodo mao, ta ararigi pa ri vuaua: asiri etaetara, ta tani leri lige.**

## **Pekato:**

ga lotu mao- ga ararigi mao - ga ararigi  
doko mao - loloqu i la pani raga ere  
pape pani ararigi aia mahaoa - ga vari-  
tovo mao. - ga karo sasi sakramento -  
ga karo malulu.

## **DEO ELE POSAGA HUA AIA:**

**Veau posa vagahi gani Deo amu Luluai mina.**

68. Deo i varo maro pa qita gani Deo ele po-  
saga hua aia?

Deo i varo pa qita gani ai era tavura ta  
posa vagahi gani mina, ta posa sasi gani  
mina.

## **Pekato;**

Ga oato Deo ai era mavalahani - ga oa-  
to mavalahani qeleu takodo - ga posa  
vuliqaliqa gani raga lotu aia - ga posa  
sasi gani lotu - ga posa sasi gani varito-  
vo - ga kavagahi pani misa aia mahaoa -  
ga kavagahi gani raga ere lotu aia.

## DEO ELE POSAGA TOLU AIA:

**Veau lotu pani sade, u pehemu gani  
umoga pani sade.**

69. Deo i varo maro pa qita gani ele posaga tolu, aia?

**Deo i varo pa qita taita ta lotu pani sade,  
ta pehemu pani sade gani umoga.**

**Pekato.**

**Ga misa pani sade mao; ga nama muhi-  
ai; ga misa doko mao pani sade; ga  
umo pani sade.**

## DEO ELE POSAGA PAGE AIA:

**Lolomu i la pani tamamu tinamu  
u logoni asi hua doko.**

70. Deo ele posaga page aia i varo maro?

**Deo ele posaga page aia i vaqa: taita ta  
loqoi tamara tinara ara luluai tosalaine  
doko.**



71. Ava ere i sula qo qa u karo lige sasi, u karo maro?

Ga logoni ele posaga mao, ga karo lige sasi mao.

**Pekato:**

Ga logoni tamaqu, tinaqu, mao; ga posa sasi gani tamaqu, tinaqu; ga logoni aqu luluai mao; ga posa sasi gani aqu luluai; ga posa sasi gani aqu pristere; ga karo aua kaukau pa ri; ga ararigi ari mao; ga paeavu tamaqu tinaqu asi hua lolori; apoqu i vuliai ga ri; ga lua ri mao.

**DEO ELE POSAGA LIMA AIA:**

**Veau pamate ava ere mina.**

72. Deo i varo maro gani ele posaga lima aia?

Deo i varo pa qita gani ele posaga lima aia taita ta dodo ga qita pana tosalaine.



73. Taita ta dodo ga qita pana tosalaine ai pu  
ga sau?

Taita ta dodo ga qita pana tosalaine ai pu  
gani taita mina Deo ai natunatu, Deo  
tamara.

74. Deo ele posaga lima aia i pairi qita gani  
sau?

Deo ele posaga lima aia i pairi pita: ta pa-  
mate ava ere mina, ta karo madiqi pani  
ava ere mina.

### Pekato:

Ga pamate ava ere - ga pamate kekele  
vurisigi - ga paní ava ere aia muso. - ga  
qali tamine ere aia hiau. - ga karo aua  
kaukau pani ava ere - ga posa sasi gani  
ava ere - mataqu i vohu ga qau mao ga  
rivali. ga pasolani pani ava ere gani  
lige sasi - ga ani haniga paka tau ga  
rivali.

# DEO ELE POSAGA LIMA QA ERE AIA:

Veau karo raga sasi mina.

75. Sapara Deo ai mana gari?

Deo ai mana gari qeleu leri lige doko.

76. Ta ka sauua lera lige doko?

Lera lige doko ta ararigi ga qita ara, matara i vohu ga qita, ta umo ta malai mina, ta pehemu gani lige sasi.

77. Deo ele posaga lima qa ere aia i pairi qita gani sauua?

Deo ele posaga lima qa ere aia i pairi qita: lolora i vavaro gani lige sasi mina, manara gani lige sasi mina, auara i posaposa sasi mina, ta karo lige sasi mina.

**Pekato:**

*my heart goes after forbidden*  
Loloqu i va gani lige sasi; ga tigtig sasi gani tamine vilala ere; ga tigtig sasi gani tamine toni ava ere pape; ga karo lige sasi pani tamine vilala ere; iai hua tami-

ne ere a karo lige sasi, a eno; iai hua tamine ere a qaqeqahe; ga karo lige sasi pani ava ere ai araoa; ga kisi sasi ( tamone ere – tamine ere ); ga kisi qau sasi; ga posaposa sasi; ga ravoravo sasi; ga logoni posaga sasi ga kahi gani; ga eno anunuqu sasi; ga kea vougasi; ga pasolani pani ava ere gani lige sasi; ga lalao mavalahani; ga lululequ lavalava pani pana salai matari; ga kona ava ere ele roaiga sasi;

## DEO ELE POSAGA LIMA QA HUA AIA:

**Veau panaho mina.**

78. Deo ele posaga lima qa hua aia i pairi qita gani saua?

**Deo ele posaga lima qa hua aia i pairi qita: taita ta velu ava ere ele raga mina, ta karo sasi mina.**

79. Ava ere i panaho raga ere i ka ma gani?

Ava ere i panaho raga ere i koli raga qa i  
luai pani aia ava.

**Pekato:**

Ga panaho ava ere ele raga ere; ga lu-  
vu raga ere; ava ere i panaho raga ere  
i pa qau; ga otu pani raga ere ava ere  
i kinani, ga kea ga pani qa i luai mao;  
ga karo sasi ava ere ele raga; ga velu  
ava ere aia haniga; ga velu ava ere ele  
maqala; ga lua ava ere gani raga aia pa-  
nahoga; ava ere i pa qau ele moni ga  
koli mao.

DEO ELE POSAGA LIMA QA  
TOLU AIA:

**Veau bulobulo mina.**

80. Deo ele posaga lima qa tolu aia i pairi  
qita gani sau?

Deo ele posaga lima qa tolu aia i pairi

qita: ta bulobulo gani ava ere mina, ta  
pakaka ava ere mina.

**Pekato:**

Ga bulobulo gani ava ere; ga bulobulo  
pani ava ere.

DEO ELE POSAGA LIMA QA  
PAGE AIA:

**Veau manamu gani ava ere ai araoa mina.**

81. Deo ele posaga lima qa page aia i pairi  
qita gani sau?

Deo ele posaga lima qa page aia i pairi  
qita: lolora i vavaro gani lige sasi mina,  
manara gani lige sasi mina.

**Pekato:**

Loloqu i varo gani lige sasi ga kahi  
gani; manaqu gani lige sasi mavalahani  
ga karo mao; ga kona ava ere i roai sasi  
ga kahi gani.



## DEO ELE POSAGA SAGAULU AIA:

Veau manamu gani ava ere ele  
qehevo mina.

82. Deo ele posaga sagaulu aia i pairi qita  
gani sauva?

Deo ele posaga sagaulu aia i pairi qita:  
manara gani ava ere ele raga mina.

### Pekato:

Manaqu gani ava ere ele raga mavalahani  
ga kea mao.

## EKELESIA ele POSAGA.

83. Ekelesia ele posaga pira?

Ekelesia ele posaga lima. I vaqa:

1. Veau lotu pani apa diene tavura (holide)  
sade aia vareqe.
2. Veau misa doko pani sade pani holide  
tosalaiane.



3. Veau pehemu gani haniga mahaoa pehemuga aia.
4. Veau palogo amu pristere gani amu peka-to pateá.
5. Veau komunio pani Paska aia mahaoa.

Holide sade aia vareqe page:

1. Apa ti popo Jesu pani.
2. Apa Jesu ele raega.
3. Maria ele raega.
4. Apa tori qeleu takodo tosalaine.

## P E K A T O .

84. I ka maro taita ta logoni posaga tosalaine doko?

Taita ta logoni posaga tosalaine doko ai pu: posaga toni Deo.

85. Ta logani Deo ele posaga mao, ta ka maro?

Taita ta logoni Deo ele posaga mao, ta sasi gani pekato.

86. Ta ka maro ta karo pekato?

Ta pekato; manara gani raga Deo i pairi  
qita gani.

ta posa gani raga Deo i pairi  
qita gani.

ta karo raga Deo i pairi qita  
gani.

87. Pekato tosalaina i lalaire?

Pekato tosalaine i lalaire mao, pape paka  
pape kakau.

88. Ta karo pekato paka maro?

Ta karo pekato paka: ta logoni Deo ai  
lige gani raga paka moa.

89. Ta karo pekato kakau maro?

Ta karo pekato kakau: ta logani Deo ai  
lige gani raga kakau mao.

90. Pekato paka i ka ma ga qita?

Pekato paka i pamate tautaura, i supo  
qrasia qa i la; i patapu qita pani eai nae  
tovuaua.

91. Pekato kakau i ka ma ga qita?

Pekato kakau i karo tautaura qa i mina  
sasi; i patapu qita pani eai kakau tautaura  
aia sipihiga.

### QRASIA.

92. Taita ta vohu ta loqoi Deo ta logoni ai  
lige doko?

Ta vohu mavalahani mao; Deo i pavohu  
qita gani qrasia.

93. Qrasia sauva raga?

Qrasia Deo i pa qita vuaua, Jesu i oli pani,  
taita ta mina doko gani nae tovuaua.

94. Qrasia pira?

Qrasia hua: ere i karo qita qa ta mina  
takodo; ere pape i lua qita qa ta karo lera  
lige doko.

95. Deo i pa qita ele qrasia mao ta mina maro?

Deo i pa qita ele qrasia mao, ta mina do-ko mao; ta rae sae mao.

96. Deo aia persona sei i karo qita qa ta mina takodo?

Deo aia persona tolu aia, Tautau mina takodo, i karo qita qa ta mina takodo; i pa qita qrasia.

### QELEU SAKRAMENTO.

97. Sakramento sauva raga?

Sakramento raga sio aia ta kona, Jesu i karo qa i pa qita qrasia.

98. Sakramento pira?

Sakramento lima qa hua: Paliliunga; Pavohuga; Ekaristia; Pekato aia Pavililiga; Pana rivaha ari samaga; Ordo; Paoaiga.

## PALILIUGA.

99. Paliliuga i ka ma ga qita?

Paliliuga i karo qita qa ta mina Deo ai natunatu, Ekelesia Katoliki ai natunatu.

100. Ti paliliu qita mao ta ka maro?

Ti paliliu qita mao ta rae sae mao.

101. Paliliuga i pa qita sau a raga?

Paliliuga i pa qita qrasia i karo qita qa ta mina takodo; i supo ara pekato tosalaine.

102. Ti paliliu ava ere ti karo maro?

Ti paliliu ava ere ai ramoha gani eau ti posa lupu ti vaqa: Ga paliliu qo gani Tama ai era qa ai Natu qa ai Tautau mina takodo.

103. Ava eta teta qa i mate, pristere mao, ava ere pape i paliliu?

Ava eta teta qa i mate, pristere mao, ava ere pape i paliliu.



104. Paliliuga apa pira?

Paliliuga apa kehe tau ere.

105. Paliliuga i ka ma gani tautaura?

Paliliuga i sasio tautaura aia oataiga kato-  
liki i samai mao.

### PAVOHUGA.

106. Pavohuga i ka ma ga qita?

Pavohuga i pa qita Tautau mina Takodo  
aia vohuga qa ta nohani lera lige tosa-  
laine.

### PEKATO aia PAVILILIGA.

107. Saua raga i supo qrasia qa i la?

Pekato paka, matega aia, i supo qrasia qa  
i la.

108. Ta kea qrasia sora qa i luai qa i nama pa  
qita?

Ta keti gani pekato qa i la, ta palogo



pristere gani qa i pavilili, Deo i pa qita  
qrasia qa i luai qa i nama pa qita.

109. Gera Jesu i karo Sakramento pekato aia  
pavililiga?

Paska Jesu i rae pani aia raga, lailai i karo  
Sakramento pekato aia pavililiga.

110. Sakramento pekato aia pavililiga Jesu i  
karo maro?

Jesu i varo pa ri qeleu Apostolo: Amiu  
a kea Tautau mina Takodo qa i nama pa  
qimi; a pavilili ava ere aia pekato, ti pavi-  
lili aua tau; a pavilili ava ere aia pekato  
mao, aia pekato i mo pani nae tovuaua.

111. Qeleu Apostolo ti mate; sapara ti lua ri?  
Qeleu Episkopo qeleu pristere katoliki ti  
lua ri Apostolo ti pavilili ara pekato.

112. Ta ka sauqa qa i muqa gani pekato aia  
pavililiga?

Matara i nana ara pekato ta romu lupu,  
ta soligani; muhiai ta palogo pristere gani.

113. Ta soligani pekato ta ka maro?

**Ta soligani ara pekato, lolora i keti gani  
ara pekato.**

114. I ka maro ta soligani ara pekato?

**Ta soligani ara pekato: i velu tautaura,  
Deo ai mana gani mao, i karo qita sasi  
gani.**

115. Ta soligani ara pekato mao, pristere i  
pavilili?

**Ta soligani ara pekato mao, pristere i pa-  
vilili mao.**

116. Ta kinani pekato mao, ta karo pekato aia  
soligaga doko?

**Ta kinani pekato mao, ta taro qa i la mao,  
pekato aia soligaga doko mao; ta bulo-  
bulo gani.**

117. Ta soligani ara pekato gani auara keke-  
legi?

**Ta soligani ara pekato gani auara keke-  
legi mao; pani lolora pape.**

118. Ta palogo pristere gani ara pekato ta ka maro?

Ta palogo pristere gani ara pekato ta posa mehaka, ta bulobulo mina, ta posi pekato mina.

119. Ta posi pekato paka ere ta ka ma gani Sakramento?

Ta posi pekato paka ere ta velu Sakramento, ta karo pekato paka pau pape.

120. Saua raga i tani pekato aia pavililiga?

Pekato aia koliga i tani pekato aia pavililiga.

121. Ta koli pekato gani sau?

Pristere i varo pa qita gani pekato aia koliga.

122. Ta koli pekato mao ta ka maro?

Ta koli pekato mao, ta karo pekato pau.

## EKARISTIA.

123. Ekaristia saua raga?

Ekaristia Jesu ai meramera ai sigi.

124. Ekaristia ti karo maro?

Ti palele berete tomani vaini qa i mina  
Jesu ai meramera ai sigi.

125. Gera Jesu i karo Ekaristia?

Jesu i karo Ekelesia lavonene savalele  
i mate.

126. Jesu i karo Ekaristia gani sau?

Jesu i karo Ekaristia ai mana gani:

1. i mororo mahaoaraeai nae tovuaua
2. i koli ara pekato pani Deo gani  
misa.
3. taita ta sogu ai meramera ai sigi  
pani Komunio.

## MISA.

127. Sapara Jesu i varo pa ri qa ti palele be-  
rete tomani vaini qa i mina Jesu ai mera-  
mera ai sigi?

Qeleu Apostolo, qeleu pristere katoliki  
Jesu i varo pa ri qa ti misa qa ti palele be-  
rete tomani vaini qa i mina Jesu ai mera-  
mera tomani ai sigi.

128. Misa sauva raga?

Misa raga lotu aia ta papani Deo gani.

129. Pani misa aia mahaoa pristere i pani Deo  
sauva?

Pani misa aia mahaoa pristere i pani Deo  
Jesu ai meramera ai sigi.

130. Jesu i murai sora?

Jesu i murai pani Hostia tavura.



## KOMUNIO .

131. Ta komunio ta sogu sau a raga?

**Ta komunio ta sogu Jesu ai meramera ai  
sige tautaura aia haniga.**

132. Komunio i ka ma ga qita?

**Komunio i karo qita qa ta mina doko nae  
sio ne; sae vuvuhieai nae tovanene qa  
ta la.**

133. Ava ere i komunio sasi i karo sau a?

**Ava ere i komunio sasi i karo pekato pa-  
ka pau, i karo sakrileqio.**

134. Sau a raga i karo Komunio qa i mina sasi?

**Pekato paka i karo Komunio qa i mina  
sasi.**

135. Ta karo sau a i muqa gani Komunio?

**Ta posi lolora ta soligani pekato tosalaine;  
ta pehemu gani haniga, gani unuga, gani  
vua; Komunio i muqa.**

**Pana rivaha ari samaga.**

136. Sapara pristere i sama ga ri?

**Pristere i sama ga ri pana rivaha sasi.**

137. Samaga i ka ma ga ri pana rivaha?

**Samaga i nohani ava rivaha ai tautau ai  
tini pape.**

**O R D O .**

138. Ordo sauva raga?

**Ordo Sakramento Episkopo i karo gani  
ava ere qa i mina pristere.**

**P A O A I G A .**

139. Paoaiga katoliki sauva raga?

**Paoaiga katoliki Sakramento auva tau.**

140. Sei i varikurai gani oaiga katoliki?

**Ekelesia katoliki kekelegi i varikurai gani  
oaiga katoliki.**

141. Ava ere i oai tamine pira?

Tamone kehe tau ere i oai tamine kehe  
tau ere.

142. Sei i pavilili oaiga katoliki?

Matega kekelegi i pavilili oaiga katoliki.

### ARARIGI.

143. Ta ararigi ta ka maro?

Ta ararigi ta loqoi Deo ta posaposa pani.

144. Ta ararigi mao ta rae sae?

Ta ararigi mao ta mina doko mao, ta rae  
sae mao.

145. Ta ararigi pani sade kekelegi?

Ta ararigi pani apa tosalaine: ta ararigi  
vogivogi qa lailai qa pani haniga aia aniga.

146. Ta ararigi pani luma lotu aia kekelegi?

Ta ararigi pani lera luma pape.



